

池州府志卷第十

中憲大夫知江南池州府

級襄平馬世永編纂

山川志五

青陽九華山上

九華山在青陽縣西南十里高數千丈延袤百八十

里峯凡九十有九

江南通志

顧野王輿地志

九子山千仞壁立周迴二百里高一千丈出碧雞五

釵松

福地考

九華第三十九福地

九華山錄

此山奇秀高出雲表峯巒異狀其數有九故號九子山

九華東為背西為面峯巒之奇峭巖壑之幽邃惟華西為多

京至黃石溪山頂橫過雲峯堂西至觀音堂溪橫過西南九子嶺西峯菴南至松木橋北至小橋菴溪

路史

九華山在池州青陽縣實真人上昇處

按諸傳記皆稱子明在陵

陽山得仙而路史云在九華

王涯仙掌辨

劉禹錫云銳而出者為虎牙尖而背者為熊耳角而巘者為牛首冠而峭者為雞頭

金陵瑣事

西域三僧云彼國能望見四山之氣五臺山金氣峨
峯山銀氣補陀山銅氣九華山鐵氣

青陽縣舊志

九華南望石埭西望貴池東望涇川北望大江為池
鎮山

九華歲時紀

山氣清白似雲非雲似煙非煙似霧非霧
如平水焉出諸嶺之半青峯在其上蒼翠如初若波
濤之蓄其臍者良久乃散謂之雲海四時多雨不苦
旱旱亦不踰四十日多雲多霧霧則瀰漫山澤非里
道之所可計也曰霧海多寒山之幽谷陰崖冰雪不
化非獨天臺為然四月間猶有飛霰將十月必雪
舊名九子山唐李白以山有九峯如蓮花易今名金地

藏駐錫於此江南通志

○唐李白九華山聯句并序青陽縣南有九子山

蓮花按圖史名無所依據太史公南游略而不書事不經故老之口復闕名賢之紀雖靈仙往復而

賦詠罕聞予乃削其舊號加以九華之目時訪道江漢憩于夏侯迴之堂循簷岸幘坐眺松雲因與

二三子聯句傳之將來

妙有分二氣靈山開九華李白層標遏遲日半壁明朝

霞高積雪曜陰壑飛流歎陽崖韋權輿青熒玉樹色縹

緲羽人家李白

○又望九華贈青陽韋仲堪

昔在九江上遙望九華峯天河挂綵水秀出九芙蓉

我欲一揮手誰人可相從君為東道主於此臥雲松

○劉禹錫九華詩并序九華山在池州青陽縣西南九峯競秀神采奇異昔余仰

太華以為此外無奇愛女几荆山以為此外無秀及登九華始悼前言之容易也惜其地偏遠不為

世所傳故
詩以大之

奇峯一見驚魂魄
意想洪爐始開闢
疑是九龍天矯
欲攀天忽逢霹靂
一聲化為石
不然何至今
悠悠億
萬年氣勢不死如騰鸞
雲含幽兮月添冷
日月凝眸
今江漾影結根不得要路
津迴秀長在無人境
軒皇
封禪登云亭
大禹會計臨東溟
乘標不來廣樂絕
獨與猿鳥愁青熒
君不見敬亭之山廣索漠
兀如斷崖
解稜角宣城謝眺
一首詩遂使聲名齊五嶽
九華山自為造化一尤物
焉能籍甚乎人間

蕭建寄費處士

見說九華峯下寺
日宮猶在下方開
其中幽境客難
到請為詩中圖畫來

費冠卿答蕭建

自地上青峯懸厓幾萬重
踐危頻側足登
塹半齊胸
飛狹啼攀桂遊人喘
倚松入林寒
痺痺近瀑雨濛濛
徑滑石稜上寺開
山掌中幡花撲淨地
臺殿印晴空
勝境層層別高僧
院院逢泉魚候洗鉢
老獍戲撞鍾
外戶憑雲掩中厨
課木春搜泥時和麪
拾橡半添種
渡壑緣槎險持燈入洞窮
夾天開壁峭透石蹙波雄
澗靄清無土潭深碧有龍
會田一片淨各樹萬株濃

野客登臨慣山房幽寂同寒爐樹根火夏牖竹梢風
邊鄙籌賢相黔黎託聖躬君能棄名利歲晏一相從

○ 霍總郡樓望九華

樓中坐見九華峯翠雲赤日光溶溶有時朝昏變疎
密八峯和煙一峯出有時風捲天雨晴序立聯如
弟兄陽鳥生子偶成數丹鳳養雛同此名日月遙看
機已靜未離塵躅尋真境子明駕龍騰九垓陵陽相
對空崔嵬玉漿瑤草不可見自有神仙風馬來

封敖西隱寺憶九華

三年未到九華山終日披圖一室間秋寺喜逢晴後

賞雲峯看待足時還猿從有性留僧住雲自無心伴
客閒勝事儻能銷日月已拚名利不相關

○ 杜牧望九華

身隨白石看將老心與青雲自有期今對晴峯無十
里世緣多累暗生悲

文字波中去不還物情初與是非間時名竟是端
事羞對靈山道愛山

眼看雲鶴不相隨

自注雲鶴山去青陽西南
十里孤峯聳秀縹緲如雲何有雲

中事作爲好伴羽人深洞去月前愁聽玉參差

○ 登九峯樓

凌空瘦骨寒如削，照水清光翠且重。却憶謫仙詩格
俊，解吟秀出九芙蓉。

諱銖望九華

憶彼九華山，尚在童稚年。浮沈任有路，窺仰會無緣。
罷職池陽時，復遭迎送牽。因茲契誠願，矚望枕席前。
況值春正濃，氣色無不全。或如碧玉靜，或如青靄鮮。
或接白雲住，或映紅霞天。呈姿既不一，變態何啻千。
巍巍崇峻性，豈倫外景自。隱映潛虛固，幽玄
我來暗凝情，務道志更堅。色與山異性，性併山亦然。
境變山不動，性存形自遷。不阻俗自定，自定不失賢。

浮華與朱紫，安可迷心田。

孟遲發蕙風館過陰不見九華

我來淮海城，千山萬山無不經。山青水碧千萬丈，奇
峯急派何縱橫。又聞九華山，山頂來青冥。太白有逸
韻，使我西南行。一步一攀策，前行正雞鳴。陰雲冉冉
忽飛送，千里萬里危崢嶸。譬如天之有日蝕，使我昏
沈猶不明。人家敲鏡救不得，光影却屬貪狼星。恨亦
不能通言亦不足，聽長鞭揮馬出門去。是以九華爲
不平。

王季文九華吟

九華崢嶸占南陸蓮花擢秀山半腹翠屏橫截萬里
天懸水落成千丈玉雲梯石磴入杳冥俯看四極如
中庭丹崖壓下廬霍勢白石隱出牛女星松杉一歲
抽數尺暖草蚺綠秀層壁南風拂草雲霧開滿山葱
蒨鋪鮮碧雷霆往往從地發龍臥豹藏安可別峻極
遙看戛昊蒼挺生豈得無英傑神仙憚險莫敢登馭
風駕鶴踰丘陵陽鳥不見峯頂樹大火尚結巖中冰
靈光爽氣薰復旭晴天倒影西江淥具區彭蠡夾兩
旁別作一岳當少陽

釋神穎和王季文題九華

衆岳推分野九華鎮南朝彩筆疑空遠崔嵬寄青霄
龍潭古仙府靈藥全不凋瑩為滄海境煙霞作荒標
造化心數奇性狀精氣饒玉樹鬱玲瓏天籟韻蕭寥
寂寂尋乳竇兢兢行石橋通泉漱雲母藉草紫香茗
我在幽且深君賞昏復朝稀遠發清唱片片霜凌颺
林滋望九華山

茲山特出何怪奇上有萬狀無凡姿大者嶙峋若奔
兕小者崑崙如嬰兒玉柱金莖相拄杖千空掄碧勢
參差稀中始訝巨靈劈缺處乍驚愚叟移蘿煙石月
相蔽虧天風裊裊猿啾啾龍潭萬古噴飛溜虎穴幾

人能得窺吁余比年愛靈境到此始覺神魂馳如何
獨得百丈索直上高峯拋俗羈

許棠旅中送人歸九華

分與仙山背多年負翠微無因隨鹿去只是送人歸
頂木晴摩日根嵐曉潤衣會於猿鳥外相對掩高扉
盧嗣立望九華山

九華深翠落軒楹迴眺澄江氣象明不遇陰霾孤岫
隱正當寒日衆峯呈坐看松雪消煩思惜別煙嵐駐
曉行得路歸山期早訣夜來潛已告精誠

曹松望九華寄池陽太守

造化峯峯異宜教嶽德謙靈蹤載籍古怪刃刺雲尖
盤促陵陽壯孤標建業瞻霽餘堪洗目青出謝家簷

柴夔望九華

九華如劒插雲霓青霄連空望欲迷北截吳門疑地
盡南連楚界覺天低山池水蘸中秋月石路人攀上
漢梯惆悵舊遊無復到會須登此出塵泥

郭橐一作夔望九華山

巖翠凌空出迴然岩堯萬丈倚秋天暮風飄送當軒
色曉霧斜飛入檻煙簾捲玉屏雙影聚鏡閣朱戶九
條懸畫圖何必家家有自有畫圖來目前

楊鴻望九華

九華間屋簇清虛氣象羣峯盡不如惆悵都南挂冠
吏無人解向北山居

○羅隱憶九華

九華巉翠蔭柴扉長憶前時此息機黃菊倚風邨酒
熟綠蒲迎雨釣船歸干戈已是三年別塵土那堪萬
事違回首佳期恨多少夜闌霜露又沾衣

殷文圭樓上看九華

九朶連雲勢欲騰鳥飛難到最高層誰家寫在屏風
上巖上松間盡九僧

九條寒玉罩雲中雨外霞分海日紅疑是巧人新畫
出與他天柱作屏風

四顧巒峯峭莫羣翠峯長與曉光分盡分明處要清
白獨倚青天絕片雲

徐鉉奉使九華山中途遇青陽薛郎中

故人相別動相思此地相逢豈素期九子峯前聞未
得五溪橋上坐多時甘泉從幸余知忝宣室徵還子
未遲且飲一杯消別恨野花風起漸離披

○李中舟中望九華山

排空蒼翠異輟棹看崔嵬一面雨初歇九華雲正開

當時思水石便欲上樓臺隱去心難逐吟餘首嬾迴
僧休傳紫閣屏歇寫天台中有忘機者逍遙不可陪
宋張詠題九華圖

每憶眠雲處當簷列翠屏有時聊極目盡日坐忘形
去此心惟苦懸圖恨忽醒數峯秋欲活虛籟夜重聽
地鎮三吳遠天連萬古青幾人曾得道是草即通靈
仙鶴閒窺鼎龕僧暗誦經終須卜長往迴首謝明廷

王安石次青陽

十載九華邊歸期尚渺然秋風一乘傳端不負林泉
荅平甫舟中望九華

楚越千萬山雄奇此山兼盤根雖巨壯其末乃修纖
去縣尚百里側身勇前瞻蕭條煙嵐上縹緲浮青尖
徐行稍復逼所矚亦已添精神去疊疊氣象來漸漸
卸席取近岸移船傍蒼兼窺觀坐窮晡未覺晷刻淹
江空萬物息四面波瀾恬我然九女鬢爭出一鏡奩
臥遊秋月沒起看朝陽暹遊氛蕩無餘瑣細得盡覘
凌空翠燾直照影寒鋸鋸冢木立紺髮岸林張紫髯
變態生倏忽雖神詎能占當留老吾身少駐誰云饜
惜哉秦漢君黃屋上衡濤等之事嬉遊捨此何其廉
我疑二后荒神物久已厭埋藏在雲霧不欲登昏憒

又疑避褒封蔽匿以爲謙或是古史書脫落簡與籤
當時備巡遊今不在緬縑終南秦之望泰山魯所瞻
天王與秩祭俎豆羅醯鹽苟能澤下民維此遠亦沾
方今東南旱土脈燥不黏尚無膚才功豈免竊食嫌
神莽吾難知士病吾能砭文章巧傳會智術工飛箝
薦寶互珪璧論材自梗楠苟以飾婦妾謬云活岩黔
豈如幽人樂茲山謝閣閭穴石作戶牖垂泉當門簾
尋奇出後徑覽勝倚前簷超然往不返舉世徒咕咕
高興繼日月千秋伴烏蟾遐追商洛翁秦火不能火
所慕楚穆生竟脫楚人鉗吾不爲所尚人謀諒能令
誰謂九華遠吾身未嘗詹唱篇每起予予口安能符
憶在秋浦北空江上新澹光潔寫一鏡迴環兩堤奩
露坐引衣襟風行敲帽簷維舟當此時巨細得盡瞻
試嘗論大略次乃述微纖此山廣以深包畜萬物兼
噓雲吐霧雨生育靡不漸巍然如九皇德澤四海沾
此山相後先各出羣峯尖毅然如九官羅立在堂簾
挺身百辟上附麗無姦儉此山高且寒五月不覺炎
草樹萋已綠冰霜尚涵淹頽然如九老白髮連蒼珥
此山當無雲秀色鬱以添姁然如九女靚飾出重簾
珮環與巾裾紺玉青紈縑遠之妍西施近或醜無鹽

變態不可窮詩者徒咕咕我初勇一往役世難安恬
浪荒不徒職民瘼當誰砥乖離今數旬夢想欲窺覘
自期得所如何啻釋囚鉗念昔太白嶺下視海日暹
竭來天柱遊履齒尚苔黏猶之健飲食屢饗亦云饜
胡爲慕攀踏已僊且不嫌豈其仁智心山水固所潛
男兒有所學進退不在占功名苟不諧廊廟等閭閻
況乃掄椽杙其誰辨榱桷歸歟巖崖居料理帶與籤
得石坐兀兀逢泉飲厭厭取舍斷在獨豈必詢謀僉
子語實慰我寧殊邑中黔玉枝將在山當倚以葭蒹
詩力我已屈鋒鋷子猶銛扶傷更一戰語汝其無謙

蘇轍過九華山

孤舟少僮僕此志還復難南遷私自喜看盡江南
忽驚九華峯高拱立我前局促守破牕聯翩過重巒
碧霞爲衣裳首冠青琅玕蕭然九仙人縹緲凌雲煙
我行竟草草安能拍其肩揮手謝世人可望不可攀
松根得茯苓壯若干歲龜但聞有高士臥聽松風眠
勝背生綠毛輕舉如翔鸞煮食一朝盡終身棄腥羶
相逢欲借問已往長松端

蘇舜欽望九華山

輕舟出池口遙望青陽郭雲開見九華爭先出鋒鏑

參差欲背闕尖銳圭首削竹箭拔春芽芙蓉攢秋萼
奇姿信明麗遠勢仍聯絡下有厓谷幽真靈諒茲宅
詭哉末世士強以名號託丹崖不受稱青峯鎖如昨
千載知屬誰含情寄冥漠

晁補之過銅陵南一山高出雲上奇秀可駭余未
嘗至江南遽曰此九華也問之良是

雲端忽露碧孱顏如髻如簪縹緲間驚駭舟中齊舉
首不言知是九華山

程俱船發大雲倉五十里許顧江南衆山中數峯
奇爽特異一見即知爲九華問篙人果然因知

季野於廣坐中識孟萬年正應如此作詩一首
卷簾坐對江南山掠眼送青來疊疊雲泉肺腸久厭
飫拄頰悠然聊復爾奇峯遠淡忽四五爽秀駸駸逼
牕凡平生九華夢遊中一見定知真是矣非關目力
觀天與正覺羣山如聚米好山如人有高韻不獨江
州孟公子直緣佳處無仕徑落莫道邊同苦李大是
忘年耐久交藜杖青鞵結終始

章貴九華山

九子峯名勝更題作九華皆因謫仙句適遇野人家
列岫分龍脈尖峯擢象牙布金黃粒稻浮綠碧蓮花

霜過收松實春深摘茗芽雲根搜伏髓玉液腐胡麻
道境同丹竈仙巖薦白蛇兩潭泉瀉雪 柱氣棲霞

舐掌腴難擬重脣味最嘉乾源登緊榭暘谷種西瓜
地狹農專業民醇俗不奢溪從虎頭去雲趁鶴泉衙
仙字刊巖際神宮鎮水涯百靈扶表裏千古斷妖邪
祕洞敬銀甕真源暈寶沙黃猴虔作供白鹿皎無瑕
晚採柏菴筍早供崇聖茶有針垂檜柏無核供枇杷
官綃丹青畫公言賦詠誇天河津可問吾擬泛仙槎

楊萬里金陵得郡歸曉發梅根市舟中望見九華
山外雲濃白峯頭日淺紅橫拖一疋綃直埽九芙蓉
奔走來船裏提攜入袖中寄言杜陵老不用剪吳淞
過池陽舟中望九華

役役催行邁匆匆過此春杯翻五湖月筆埽九華雲
不是風煙好何緣字句新茲遊四千里今日過三分
過青陽縣望九華山雲中不真來早大霧竟不見
其全

山長百里玉扇顏百里何緣盡好山只是縣前青一
簇九芙蓉出五雲間
肩輿過了九華西恨殺秋雲故故低遮盡奇峯時放
出逐峯放出不教齊

懊惱西來不見山五更指準月中看却將香霧寬裁
幕性燥和天總一般

范成大記序

余生東吳北南西三方皆走萬里所至無不登覽太
行恒山衡岳廬阜皆渾樸高厚其最奇秀者莫如池
之九華歛之黃山括之仙都温之鴈蕩夔之巫峽此
天下所同珍者劉賓客所謂舟過江上望九華奇峯
自是造化中一尤物也

周必大錄乾道三年九月

壬辰早同陳簿葉尉趙忠訓出郭十餘里登雙鍊

以名度西洪嶺入龍安院自此徐行歷永安

虎洵身過石龍口虎跑嶺此兩處地勢稍高望雙

峯九子甚奇遂入廣修院去縣已二十五里院宇頗

雅潔寢堂望雙峯原注遠望如雙劍此二峯也憤峯

真人峯蓮花峯是為五老峯步至上雪潭源高而遠

仰視蓮花峯正如所倚之屏其前即石門水所注也

峭壁削成懸瀑十丈怒濤駭浪不減三峽或瀦為深

淵或散為奔湍雷轟電掣約二百餘步為下雪潭其

間多大石水平布者數丈潭中產石斑魚不常得有

瓔珞泉水跳石上如貫珠尤為奇絕而土人不貴也

食罷轉山而行終日觀山面殊不厭約十餘里入無相院有觀音閣對峯巒數重留題而去又二三里至協濟廟神兄弟二人日方晡或謂化城遠不可到遂止陳朝立置酒中坐帥諸人下九華溪踏石涉水以爲戲葉尉體肥甚獨墮水中溪自龍池來欲訪其源或曰路太遠惟禱雨乃至今蕪穢不治不果行終夜如大雨可聽癸巳早隨溪而入至亂山環合處登化城嶺嶺峻窄時時回望諸峯層出殊快心目少休半霄亭巳時至化城寺寺宇甚佳唐時新羅王子金地藏修行之地飯罷謁金地藏塔又在寺後突然一山

上常時可望大江是日適爲晴嵐所蒙僧祖瑛獨居塔院獻土產茶味敵北苑陳朝立以翰先歸邑乃同葉趙行二里訪龍女泉其旁乃李太白書堂基今爲

張氏墳地

原注或謂書堂在
半霄亭傍者非

自此下嶺過苦竹坑俯

視羣山左右對列中有平田氣象極好稍前即寨頭蓋建炎間張遇寇青陽縣官移治於此真關隘也行近懸橋雙瀑石山對瀉未經名人品題故無聞焉又行至蜃盤嶺而化城峯盡矣化城九峯最高處蔣穎叔嘗有悔游之語俗傳十里殆不止此賦小詩曰攀蘿度險捷猱猿石角鈎衣屨盡穿莫訝遠尋金地藏

也。曾徐步玉堦前，又數里至龜山。一上復數里，尤爲險峻。有崇壽寺，慈雲閣對雙劍峯。又賦詩曰：注坡緣壁化，城中客愠奴。曠我亦慵及，至龜山還一上爲憐。高閣對雙峯，寺僧善修年八十六，贈以詩曰：老僧九十視眈眈，二十年來不下山。我得九華充法供，亦能禁足老山間。日尚早，愛其景物，遂宿焉。甲午早下龜山，行十餘里，入聖泉院。泉在院側石巖下，號無底泉。試之僅二丈，蓋遊者未嘗測其淺深耳。水自巖出，甚清駛，中有五色石，飯罷即行。過慕善鎮，回望九華橫，側高低無一同者。又五里至曹溪寺，又五里至覺安寺。五溪各流于此，故地名五溪。又五里入大溪，過鐵葉元質別去。又二十五里投宿馬牙酒坊。二三里常安寺，夜不果往。陳朝立自青陽致饋，是行自西以嶺入山，蓋西南也。終日觀山，面旣至聖泉，蓋自北而出，所謂山之東。乃山背闕，間有廣福等院，甚佳。而從者猥衆，頗不自由，不無遺恨。

陸游入蜀記

乾道六年七月

二十二日過陽山磯，始見九華山。九華本名九子，李太白爲易名太白，與劉夢得皆有詩。而劉至以爲可兼太華，女几之奇秀，南唐宋子嵩辭政柄歸隱此山。

號九華先生封青陽公由是九華之名益盛惟王文
公詩云盤根雖巨壯其末乃脩纖最極形容之妙大
抵此山之奇在脩纖耳然無含蓄敦大氣象與廬阜
天台異矣

王十朋望九華絕句并序

余過池陽登郡樓望九華始見一峯舟出清溪

始見之然猶減減于雲霧之間
晚泊梅根浦方了了見諸峯也

舟出清溪尚逆風觀山欲得少從容浮雲不碍天邊
眼放出神山八九峯

我在芙蓉山下家四年秋色隔天涯如今漸覺鄉山
近已見芙蓉吐九華

九芙蓉自九天來太丈南游山未開仙境曾經仙人
眼借名傑句兩崔嵬

九華山下化城寺太白書堂高處開想見江山無此
境故宜頭白嬾歸來

曾見齊山小九華夢游縹緲羽人家靈山面目忽相
見舟繫梅根秋日斜

曰華曰子數俱九細看峯巒何許多今古畫工圖不
足冠卿詩奈九華何

又

江南一嶽占青陽多少神仙此地藏聞說仙翁搗藥

處鳥聲依舊克丁當

山巒列峙神仙境子母相依孝義山莫向山中摘花
果惜春啼鳥怒人攀

郡樓初見一奇峯深恐煙霞無路通神母遙遙將九
子總將山色到舟中

曹清登九華山

浮生江路水茫茫彭澤原非令故鄉爲訪子明尋玉
洞也因太白宿雲房詩摩古壁搜遺韻并煉丹砂辨
舊方從此欲歸情復結擬移亭舍築山傍

潘閻望九華

將齊華岳猶多六若並巫山又欠三好是雨餘江上
望白雲堆裏著濃藍

元文宗道中望九華

昔年曾見九華圖爲問江南有也無今日五溪橋上
望畫師猶自欠工夫

貢奎望池州山

少年江上一官閒老去重來似夢間欲覓故人
處白雲遮盡九華山

薩都刺重過九華山

馬上行人望九華飄飄佳興倚天涯排空峭石生蒼

笥落日奇峯挂赤霞仙掌三秋擎露屑銀河半夜礙
星槎雲間五老應招手喚我來游太乙家

○曹天祐登九

問法尋空洞憑高望遠山人煙屏合處江練有無間
雲暖花繁塢峯清月近關禪心何最寂鍾磬夜來聞
明陶安大通見九華

雨消殘雪滑新泥風撼枯梢響古堤一霎路經三舍
遠兩行槳蕩十雙齊

初晴綠水浴鳧鴈落日空山啼雉雞出得沙汀煙浪
闊九華只在暮雲西

誰道山如九朶蓮萬峯飛舞上青天惜無羽翼乘風
去分取丹池一勺泉

○解縉望九華

日日南風送客舟舒州纔過又池州九華雲捲芙蓉
帳挂在青天白玉鈎

○聶茂先登九華

東風遙引三吳客春日來遊九子峯路曲欲隨飛鳥
上雲深猶喜化人逢山留李白當年詠樹老新羅國
裏松王事不妨清眺畢馬蹄歸去得從容

○登九華即事留別

雪後登臨眼倍明驚看飛錫下山迎叢林舊隱僧為
佛勝地今餘石作城無數好峯如拱立有時靈鳥白
相鳴神松晝落風前子仙茗春生雨後萌幽草長隨
人意綠間雲不礙馬蹄輕攀崖上禮新羅塔剪棘幽
尋太白銘石鉢喜餐黃粒飯木盂更薦碧芹羹也知
物外纖塵淨應較人間百慮清老我豈能忘補報一
官初試被恩榮正勤國事勞終日敢扣禪宗了此生
綠酒來從陶令漉白頭還就遠公盟他時遲暮來
即為借龍湫一濯纓

○賈啓九華山

大造青陽啓靈祕芙蓉萬丈開平地大荒如水浸長
空春嬌秋嬌如孟季昔年玩華亭上走無數華峯戟
纒手雲門曉日一輪紅疑是凌波開笑口九華之奇
萬古奇風流占斷無聲詩長嘯欲言無筆力向來李
白曾留題南遷又試耽遊味山色迎人如我慰追隨
直上翠微端手捫星辰看劒氣劒氣稜稜北斗寒三
台咫尺不可攀便欲排雲叫閭闔只恐拍碎玉闌干
周慎池口舟中望九華

貞履無素期勞生意恒窘誰云戒戎路曾是返初隱
水宿淹長晷山行阻修吟縹緲對雄標噴吐發奇蘊

雲來氣如噴，峯去勢猶引。刻削冠青蓮，雕鏤直聳筍。
堪霞上斑剝，石亂下礪砮。山鬼崇文狸，淵靈閔玄蜃。
睽茲志藜藿，未遂采芝菌。即事情已悲，懷賢迹俱泯。
潛吳愧梅福，去汶羞閔損。人德險未夷，天道明可準。
皋蘭豈徒歎，巖桂方未墮。歲暮山中人，結言候歸軫。
劉永之舟中望九華山

春至秣陵，涉夏還船。頭初見九華山，乍起雲煙碧。牕
外忽生金彩，夕陽間玉幢。字隱仙書古，石扇苔青洞。
府間安得山東李太白，共看山色弄潺湲。

劉髦江行書所見

朝發池陽曙色紅，推蓬遙見九華峯。布帆莫用南風
快，正好凝眸翠黛中。

劉定之過池州

舟中望見九華山，朶朶芙蓉杳靄間。借問山人舊猿
鶴，高車駟馬幾時還。

周忱池陽大江望九華

九華信名山，翠律盤京甸。江淮數千里，秀峙真獨擅。
我從池陽來，十載屢行縣。攬結非無懷，煙雲惜多變。
勝處不易窺，或隱或半現。及茲泛長江，浪靜風亦便。
回首豁晴空，九華一時見。千態與萬奇，指點堪數遍。

倚蓬過百里注目心不倦恍如逢故人愜意欣覲面
緬懷唐詩僧靈境構深院又聞錦袍仙書堂蔽葱蒨
安得踵其崖吟玩恣游行功名未有期對此空眷戀

邵寶舟中望九華

微雨初收草似茵九華山色欲迎人援琴正怪知音
少傾蓋何妨識面新溪泛綠波纔隔夜樹垂青子又
餘春風濤宦海今如許何處尋山問出塵

柯暹九華多雨

十日九日猿嘯雨半日不雨半飛霧萬壑溪聲來几
榻使人蕭瑟悲秋暮秋暮雲寒古寺鍾巖深颯飈饒

風呼童煮茗從新澗閒開書帙煙欲汎
冥砌那堪枯坐聞啼鴈

時季照舟中望九華

九華山頭雲氣濕九華山前雨聲急南風艤棹大江
潯起來背倚欄檻立山上雲松我欲巢矯首赤松不
可招絡衣巾凌炎歊病骸百倦心煩勞

張廷瑞望九華

昨夜山靈邀我來白雲深處有樓臺千年松果迎風
響十丈蓮花近日開

程敏政登九華

遙揖山靈感物華翠微深處欲移家千峯列戟疑無
地一澗浮春忽有花世外丹青開棟宇空中雞犬隔
煙霞歸裝尚索宮衣在邨釀猶堪幾度賒
細從雲外數奇峯九朶芙蓉翠萬重月上老猿攀石
遶雨晴馴鹿臥沙茸謫仙詩重天池第幾相身慙雪
澗松玉洞碧函無恙否他時容啟絕苔封

陳良器望九華

朝來發五松暮見九華峯轟地雲煙秀凌空紫翠濃
晴波開菡萏涼雨洗芙蓉便欲尋雙屐山靈莫負曲

孫仁遊九華

華峯九朶鬱巖巖插漢排空拂曉嵐黃道光分金一
一紫煙浮露玉三三香爐對峙匡廬北日觀移來岱
嶽南幾欲巢松凌絕頂鞿縻安得脫塵駟

沈周九華山

臨江望九華九朶青蓮開高下插穹影晶英招欲來
誰能易嘉名除是謫仙才題詠似簡易一語萬象該
後人詫能賦贅語徒喧聒安得起九京共此風月杯
歸心不可遏翹首共徘徊

李宗泗秋日遊九華山

芙蓉九朶照簾鉤雨洗煙飄翠欲流鶴借水雲三頃

暖鳥分花竹半牕秋小亭茶瀉松風細香灑杯停菊
露浮十二闌干人倚玉一天詩思壓南樓

方謨和李節推

九華推月挂銀鈎西引滄江作帶流飛錫僧來遼海
闊讀書人去草堂秋雲中穉極晴嵐護天上芙蓉暖
翠浮我昔宦游曾勝賞林間欲起望京樓

祁司負再遊九華

盤結即蓉城重登感舊行迎寒花未發入夢籟先鳴
雪霽融春意雲開趁晚晴涅槃逐世客應不羨浮名
許銳望九華

神斧何年鑿九華四時蒼翠對山家久知石竹能生
筍始信天河果種花瀑布穿雲晴亦雨煙光凝日晚
多霞可憐劉阮非凡骨路返紅塵望眼賒

劉淮行臺阻雨望九華不見

為山三日住青陽山被雲遮斷客腸只恐山靈厭塵
俗不教容易見山光

次日擬登山雪偶霽

詩人得得為山來阻雨空吟御史臺一夜雪深春忽
霽青天半面白蓮開

遊九華

芙蓉削玉三千丈蕩漾銀河織女峯夜半候雞看日出秋高騎鶴聽江風古今顏色只如此朝暮煙嵐多不同計取乞休尋舊墅移山真欲學愚公

王守仁九華道中

微雨山路滑行人入輕舟桃花夾岸迷遠近迴巒疊嶂盤深幽奇峯應接勞回首瞻之在前忽在後不道舟行轉屈曲但怪青山亦奔走薄午雨霽雲亦開青鞵布襪無塵埃梅溪柳徑度邨落長松白石穿雲隈始攀風磴出木杪更俯懸崖聽瀑雷亂山高頂藏平野茆屋高低自成社此中那得有人家恐是當年避秦者西巖日色漸欲下且向前林秣吾馬世途濁隘不可居吾將此地營蘭若

九華賦并序

九華為江南奇特之最而史記所錄獨無其名蓋馬遷足跡之所未至耳

不然當列諸天台四明之上而乃略而不書邪至

賦之

循長江而南下指青陽以幽討啓鴻蒙之神秀發九華之天巧非效靈於坤軸孰構奇於玄造遷史缺而弗錄豈足跡之所未到白詩鄙夫九子實茲名之所肇予將窮祕密於崔嵬極玄搜而歷考涉五溪而徑入宿無相之窈窕訪王生於邃谷陶金沙之清潦凌

風雨乎半霄登望江而遠眺步千仞之蒼壁俯龍池於深窅弔謫仙之遺跡躋化城之縹緲飲鉢盂之朝露見蓮花之孤標扣雲門而望天柱列仙舞於晴昊儼雙椒之闢門真人駕雲而獨躋翠蓋平臨乎石照綺霞掩映乎天姥二仙升於翠微九子鄰于積稻炎煬起于玉甌爛石碑之華藻回澄秋於枕月建少微之星祧覆甌承滴翠之餘瀝展旗立雲外之旌纛下安禪而步逍遙覽雙泉於松杪踰西洪而憩黃石懸萬丈之灑灑瀨流觴而紫紆遺石船於澗道呼白鶴於雲峯釣嘉魚於龍沼倚透碧之崦岫謝塵寰之紛擾攀齊雲之巉峭鑑琉璃之浩漭浴東陽而西歷於九節之蒲草樵人導余以冥探排碧雲之瑤島羣巒翳其繆靄失陰陽之昏曉垂七布之沉沉靈龜隱而復佻履高僧而屨招賢開白日之杲杲試胡茗於春陽汲垂雲之淵湫凌繡壁而據石屋何文殊螺髻之蟠糾梯拱辰而北盼墮遺光於拾寶緇裳迓於黃鉤休聞寂之幽悄鳥呼春於叢篁和雲韶之嘒嘒喚起促余之晨興落星河於簷椽護山嘎其驚飛怪遊人之太早攬卉木之如濯被晨暉而爭姣靜鑿聲之剝啄幽人劬參蔭於冥杳碧雞噉於青林鷗翻雲而失

皓隱搗藥於樛蘿挾提壺餅焦而翔繞鳳凰承盃冠
以相遺飲沆瀣之仙醪羞竹實以嬉翺集梧枝之嫋
嫋嵐欲雨而霏霏鳴濕濕於壘葆躡三遊而轉青峭
拂天香於茫渺席泓潭以濯纓浮桃瀉而揚縞淙淙
澌而絡蔭飲猿猱之健狡睨斧柯而昇大還望會仙
於雲表憫子京之故宅疑知微之碧桃倏金光之閃
映睫異景於穹垓弄玄珠於赤水舞千尺之潛蛟並
花塘而峻極散香林之迴飈撫浮屠之突兀泛五釵
之翠濤襲珍芳於絕巘裊金步之搖搖莎羅躑躅芬
敷而燦耀幢玉女之妖嬌蹇龍鬚於露竇墮鉢囊之
飄颻開仙掌於欽嵌散清馨之迢迢披白雲而蹠崇
壽見參錯之僧寮日既夕而山暝挂星辰於窿窅宿
南臺之明月虎夜嘯而熊泉鹿麋羣遊於左右苦將
侶幽人之岑寥迴高寒其無寐聞冰壑之洞簫溪女
厲晴瀧而曝朮雜精苓之春苗邀予觴以玉液飯玉
粒之瓊瑤溘辭余而遠去颯霞裾之飄飄復中峯而
悵望或仙蹤之可招乃下見陵陽之蜿蜒忽有感於
子明之寤要逝予將遺世而獨立採石芝於層霄雖
長處於窮僻邈永離乎履躡彼蒼黎之緝緝固吾生
之同胞苟顛連之能濟吾豈靳於一毛矧狂寇之越

獼王師局而奔勞吾寧不欲請長纓于闕下快平生
之鬱陶顧力微而任重懼覆敗於或遭又出位以圖
遠將無謂於鶴鷄嗟有生之迫隘等滅沒于風泡亦
富貴其奚爲猶榮舜之一朝曠百世而興感蔽雄傑
于蓬蒿吾誠不能同草木而腐朽又何避乎羣喙之
啾啾已矣乎吾其鞭風霆而騎日月被九霞之翠袍
搏鵬翼於北溟釣三山之巨鼇道崑崙而息駕聽王
母之雲璈呼浮丘於子晉招句曲之三茅長邀遊于
碧落共太虛而逍遙亂曰蓬壺之藐藐兮列仙之所
逃兮九華之矯矯兮吾將於此巢于匪塵心之足攪
兮念鞠育之劬勞兮苟初心之可紹兮永矢弗撓兮

九華雜言

老僧巖下屋繞屋栽松竹朝聽春鳥鳴夜伴巖虎宿
巖下萬重雲洞口桃千樹終歲無人來惟許老僧住
長風掃浮雲天開翠萬重玉鈎挂新月露出青芙蓉
青山意不盡更向月中看明日歸城市風塵又馬鞍
靜夜聞淋雨山靈似欲留只愁梯石滑不得到峯頭
坐望九華碧浮雲生晚寒山靈應祕惜不許俗人看
蒼峯抱層嶂翠瀑繞雙溪下有幽人居蘿深客到迷
凌崖望雙峯蒼茫竟何在載拜西北風爲我掃浮靄

靈峭九萬丈參差生曉寒仙人招我去揮手青霞端
雲間出孤月秋色坐蒼濤夜久羣籟絕獨照宮錦袍

江上望九華

當年一上化城峯十日高眠雷雨中霽色曉開千嶂
雪濤聲夜渡九江風此時隔水看圖畫幾歲緣雲住
桂叢却負洞仙蓬海約玉函丹訣在崆峒

弘治壬戌嘗遊九華時陰霧竟無所睹至是正
德庚辰復往遊之風日清朗盡得其勝喜而作歌
昔年十日九華住雲霧終旬竟不開有如昏夜之嘗
藏兩目無睹成空回每逢好事談奇勝即思策蹇

一來頻年驅逐事兵革出入賊壘衝風埃恐恐晝夜
不遑息豈復山水能徘徊鄱湖一戰偶然捷遠隨歸
凱停江隈是時軍門頗多暇況復我馬方墮頽舊游
諸生亦羣集遂攜童冠登崔嵬先晨霏靄尚暝晦却
疑山意猶嫌猜猜肩輿一入青陽境忽然白日開西嶺
長風擁篲埽浮雲九十九峯如夢醒羣巒踴踴爭獻
奇兒孫俯伏摩其頂今來始識九華而恨無詩筆為
傳影層樓疊閣寫未工千朶芙蓉抽玉井怪哉造化
亦安排天下奇山此兼併攬衣登高望八荒雙闕下
見日月光長江如帶繞山足五湖七澤皆陂塘蓬瀛

池州府志卷十
海上浮拳石舉足可到虹為梁仙人為我啓閭闔鸞
輶鶴駕紛翱翔從茲脫屣謝塵世飄然拂袂凌蒼蒼
重游九華

九華原亦是移文錯怪山頭日日雲乘興未甘迴俗
駕初心終不愧靈君紫芝香暖春堪茹青竹泉高晚
更分幽夢已無塵土累清猿正好月中聞

舊識仙源路未差也從谷口問桃花屢攀絕棧經殘
雪幾度春溪踏月華虎穴相鄰多夢境鳥飛不到有
僧家頻來不下山翁榻只惜峯頭一片霞

雜言

九華如舊青老翁頭已白屈指十五年光陰如過隙
拔地千峯起芙蓉插曉寒當時看不足今日復來看
遊興殊未盡塵緣不可留山青只依舊白盡世間頭

李嘉祥望九華

秋江遠望華芙蓉極可親五溪近望華削骨不可升
望和而即莊隱隱君子心山人坐不見邨翁謂酒沈
汪珊遊九華

十載酬心賞名山許陟攀晴烘遊客醉雲借定僧閒
澗底金沙淨峯頭玉筍斑使君行樂處春脚未應慳
峭壁削寒玉奇觀數九華芙蓉清水萼雲錦遠天霞

境絕鳥欲墮巖空樹未花偶陪參大乘莫謾詫胡麻
柯相次韻

勝地良吾土蒼崖此度攀乾坤疑世隔花鳥自春閒
試險聽巖溜凌虛弄竹斑絕憐多晚翠索句若爲慳
不帶尋山分逢山憶九華青蓮晴拂昊丹壑暝流霞
塵世聊簪菊天門豈看花五雲擡望眼誰謂侍中麻
胡纘宗同陳侍御游九華

半空引鶴踏晴山山影蜿蜒江水間岷峨以下奇莫
比泰華之外尊無班日捧岳蓮紅郁郁煙接石筍翠
斑斑千峯萬峯看不厭何當臥享山中間

只聞三島人間絕不見九華天下奇王維一幅江邊
畫白千年石上詩大嶂小嶂子依母上峯下峯花
子荷花一色碧茫茫滄海真爲池

九華偶成

江面多名山此山還第一下覽羣山低瓌奇無與匹
亭子鍾山長峯與黃山密金焦盡兒孫匡廬非甲乙
千尋雲翻翻萬壑風凜凜奇鳥不知名異花未由詰
嶺間石粼粼縣泉草泌泌春半尚餘霜夜中先見日
步步踏巉巖層層對翠律遊者過白頭徧覽恐難必
九十九峯餘奇峯仍秩秩有山可名狀此山難具悉

仰如凌衆星俯如伏羣卒緩如百獸蹲急如千馬逸
遠如鵬搏空近如燕依室髡如羽人冠銳如文士筆
平如溟渤恬險如蛟龍軼大如鼇擎天小如猿抱膝
放如江上花斂如池中實親如鷓序隨踈如鴈行失
朝如美女嬌暮如丈人佚碧如蓮萬叢翠如羽千佾
陰如錦忽藏晴如髭初櫛畫工應失真野人不能噴
誰起司馬遷一一爲之述

又偶成

白雲高處坐吹簫上有仙人王子喬
九十九峯踏欲徧翩然騎鶴凌層霄

九峯奇復奇恰似千簇花聯袂安得采蓮白雲
上日與仙子遊天池

方志九華紀行

秋雲一夜雨落葉滿塔飛自笑耽遊者天寒尚未歸
遙遙望九子昨已夢牽衣明將綠玉杖拄雲眠翠微
又

天淨霜飛木葉丹山深澗落水潺潺不嫌半夜同僧
宿更喜諸峯對面看白鶴羽輕乘露濕赤龍鬚瘦怯
風寒憑誰爲說塵囂遠笑向金仙倚石欄

童承敘九華漫興

香岫雲門裏藤蘿徑轉賒塔藏舍利寺倚石蓮花
拄杖臨蒼蘚焚香臥絳霞塵緣如可息山下欲移家
松果開金刹芙蓉削玉峯披雲聊息駕隔嶺忽聞鍾
僧臥中林月猿啼萬壑松登山思屏跡已愧行蹤
天近雲爲幄山圍錦作城偶來山寺地獨坐聽瑤笙
松落芝田細泉飛石壁清老僧瑟微裏習靜悟無生

喻珪望九華

瞻彼九華山上倚青雲立峻嶒勢若尊去天剛咫尺
鎮定東南隅乾坤無敵側剗鑿畢神奇作者誰之
山霄雲陣生石眼泉流急梵宇託幽棲高人寄

石怒若貌深林密如織崇巖奔復迴倦鳥飛還集
狀類發形肖恍惚莫辨識中有謫仙人讀書構精室
詩成闡神祕夜半魑魅泣人去不復返書聲竟寂寂
嗟人生世間百年一瞬息我經山下路對之懷鬱鬱
山高高如許仰視不可即安能最上頭舉目望西北
鳥道阻且長恨不生羽翼

○ 施佑遊九華

名山偏愛九華峯疊巘層巒潑眼濃日暖光搖金翡翠
翠雨晴花吐玉芙蓉丹臺隱地三千界寶閣凝雲十
二重李白不歸詩冷落惟聞野鶴唳長松

包廣遊九華

山經雨過雲猶濕人到春深路擁花上界樓臺倚星
漢下方雞犬隔煙霞仙鐫氣味沁芝耳僧碗芳香點
茗芽他日重遊今有約蓮峯咫尺豈天涯

湛若水入九華

九華翠色入雲齊一角青天為爾低即欲撥雲問天
路雲深天路恐無蹊

陳鳳梧登山

捫蘿踏磴陟天橋縹緲孤亭出九霄一鏡長江雲外
瀉萬山落葉空去聲中飄棋盤獨頂仙人石寶塔高

佛子標望望鉢盂峯漸近夕陽飛影下山霄

虞邦譽登九華

峯頭形勝鬱岩崑一上高峯四望遙山擁九華森地
軸塔銜雙照插天標朝看嵐翠和煙重晚過溪聲帶
雨驕我欲皈依清淨理可能長此避喧囂

聞人詮九華次韻

青削芙蓉玉作鉤九華轟轟五溪流雲門有路天應
近澤國逢春麥正秋坐久山禽自來去望賒江嶼見
沈浮披雲直上神光嶺遙憶蓬萊五鳳樓

張邦教九華次韻

仙居天際上簾鉤青嶂凌空碧澗流雲髻不妨衝霧
雨池蓮兀自耐春秋無心日月更吞吐有約煙霞遞
降浮亦欲乘風騎鶴去畏寒凡骨怯登樓

任柱遊九華

二月欲盡春尚寒小桃索笑不耐看紅花綠葉君且
攀曉起愛花花又殘韶光幾度空復悔回想當年逝
川水七十二君皆自賢風流轉愛長沮輩惟有青山
日日青悠然一見已多情浮雲飛去青山在拍手臨
流招友生劒戟攢雲九華秀道人眼電空中走箇中
仙子意者誰兩袖煙霞立星斗須臾蓮葉泛五溪

流如水水和泥望華却似還家好四海波濤盡枯槁
日午春芽採玉芝牆雞度竹雙雙飛青梅籬落通無
相疎影暗香深骨象從來玉石誰能分有懷刑足難
具陳銀鴉墨鶴好容與太古無聲鄭衛語鞭龍御風
天上來僧家占斷芙蓉臺虛空直下飛縞練乞石鑽
山繞雷電一叟洗耳揚清流一叟不顧還牽牛挂簾
撒珠大發笑古怪兩崖守其要驚看四山久延佇坐
起拜伏各杳妙煮雪上方新試茶幕天一榻眠清照
高眠不與十年同華胥何處覓周公枕中螻蟻俱消
盡悠揚蝴蝶迷春風載歌松菊得順適撫卷湘纍非

太中曷使曷尼曷久忽彼此原來皆造物欲將此意
問金身五釵無種示禪心騰空峻極東巖宿謾說周
金舊禪屋清光攀度陽明天金燈一粒自年年試然
此燈七竅漏先生明德殊無邊夜涼掬弄天心月天
光徹底甘泉冽倘祥波上廣寒遊始信真人有真訣
滿天風露飄客衣素心益勵歲寒姿東阡西陌多青
草秋雨先零春雨早

戴燦登九華

禪宮幽傍碧山岑老樹懸崖歲月深滾滾間雲流絕
壑冷冷孤磬響空林丹巖不染紅塵色白石真同大

素心鞅掌自憐凡世客來游此地欲抽簪

施堯臣登九華

行行已到最高亭又見諸峯逼太清上下迴環如問
訊東西拱揖似招迎花開菡萏仍千葉雲擢靈芝足
九莖見慣昔時渾不覺薄遊到此更關情

余敬中登九華

冒雨捫蘿石磴長四 咫尺失昂藏渾淪一氣還多
竅縹緲諸天未辨方澗湧新濤聞靜院松生寒籟落
虛堂却慙擾擾紅塵侶纔到禪關萬慮忘

袁袞遊九華山記

自安慶趨池陽二十里外即望見九華諸峯甚奇麗
路東行五十里至玩華亭渡溪又三十里抵九華山
下陟嶺十里餘到化城寺謁地藏塔院及李白書堂
小飲法堂明日午後始還舟夫九華凡九十九峯遠
而望之奇峯峻壑縹緲霄漢間如青蓮花爭開競發
煙雲蓬勃翠紫萬狀信東南名岳也然皆峭拔不可
登化城踰高入深複嶺迴抱疎竹清泉翛然出塵

唐樞記

九溪口登玩華亭南眺山有九十九峯已得其弱半
行數里至六泉口所見有強半山峻峭插空石峯嶙
峴壁列大者如屏宸幃蓋細者如波濤點踢如筍茁
如指伸如覆釜如閣鍾如仰盂如立戟如冠頂如鳥
啄山脈拖曳而下有六七疊復行數里過九華廟過
小橋山光澗響石橫谷虛甚幽致五里至湧泉亭杉
箐兩崖中通一徑又五里至望江亭幽花名藥種種
北瞰池州東仰羣峯又別易形狀更逾嶺而下入化
城寺窩坐四山中嵐光促席崖竹密覆泉聲不歇

何瑩九華山記

青陽縣治南三十里有九華山舊名九子唐李白以
山頂有九峯如蓮花易今名高數千丈南望石埭西

望貴池北由五谿抵山麓紆徑險峻躋攀而上五里有湧泉亭稍上有半霄亭又三里有碧霄亭大小天仙橋踰橋三里有望江亭長江如帶漸幽有懷賢亭四面嶙峋其中平廣依山爲化城寺寺數百楹墾田頃餘有稻曰黃粒稻有茶曰茗地源味並香美寺東爲太白書堂前爲芙蓉閣西爲陽明書院西南里許有神光嶺嶺有塔寺舊傳地藏遷神之後光如火焰故名塔寺西崖有松曰五釵惟一本嶺西五里有文筆峯下列芙蓉峯嶺之南上有古仙峯下有洞深數里有石牀石座或谿或厓入必以火東燕坐巖天賢